

月城昔氏世譜序

夫譜者譜其祖先之所出自而言其子孫之所各處也惟我同宗本以始祖王諱脫解華胄苗裔簪纓相繼世德赫赫甲族於東方華闕於南土載在羅麗朝國乘者歟惟舊矣其孫零替散在各處或致派系之未詳或有面目之疎昧萍鄉花樹視同越秦其在敦睦曷勝慨歎夫千枝之木其本則一也萬派之水其源則同矣豈可以世代悠遠竟致疎遠也哉前辛酉譜諱文浩府君始修派譜一冊後七十九年己卯後孫在麟修刊三冊然而未合八域之諸宗是亦不免於一二派之譜也今者則漏譜之宗族數過大半矣若不重刊實爲欠事故是吾宗之所共憂慮而何幸江原道三陟宗人正學詢謀僉同鳩財合單各派僉宗自今續刊以後疎愈親遠愈近則其在倫天情地一大興感盛事凡我同祖者同是百代之親是所望也云爾

卷之三

月城昔氏舊譜序 抄出辛酉譜

吾姓之得貴始祖之爲王史乘既爲昭森而支麗有零星之數譜系經
兵燹之患絕其世代之修續烏可無慨悒也哉余雖才疎識淺修譜未遑
之歎罕罕不已於情話之場在念者爲十有餘年於斯也或對面目而無
雅或詳文獻而莫徵此豈非仁人君子之有所曠感處哉若以吾宗中修
譜事言之一源分派渾是校書郎公一派也而支裔散四貴賤等百史家
纂述之志不易於合宗之齊心文房秉筆之功遷就乎事情之多舛矣何
幸苟搜乎幽顯之蹟使明於敦睦之誼自羅麗暨我朝明其歷代而裒
集纂次秩成上下則先祖王璿發之源後子孫親睦之道煥然始開矣
博集乎平日恆談之憤以紹乎前人勤眷之餘而間有詳略之不同編錄
之小異蓋以時有古今事有大小故也雖然踵舊開新梓成二卷宗族昭
穆瞭然如斯也以不肖之輕淺猥荷釐正之名何須以不肖子無之患慕

曠感如新於秉筆之日也謹以陳續先記于編右比實崇祖敦宗睦族之
誼乎哉最恨遭亂無憑或不知配位不記生卒不錄名祖某某朝某年
之顯達亦失墳墓某地某山之坐向而尚多闕漏豈非吾宗之欠而子孫
之羞也肆由親及疎自近而遠則孝悌之心可以油然而生而敬愛之風
庶乎無墜矣經記之擅嗣續之任力綿才劣就梓半年工既告訖夫以數
十世之久千百人之衆咸本於一人而推原始初溯源而知源一體所分
父父子子兄兄弟弟粲然不紊真一代之寶良可愛也入我後男婚女嫁
舉爲族類其姓名殆不可一一遍識系其宗者宜各詳其所自出以盡本
派然后與此書合而爲一則可以功省而事備哉敢輸涕滋於紙面庶望
後昆之不負焉

崇禎紀元後四辛酉菊秋九日后孫文浩謹序

舊譜跋 辛酉譜

夫先祖之有孫猶木之有枝水之有派初惟出於一本一源而及其枝分派別各在四方枝茂派繁雖難會究其根源則一也各處之派罕聞聲華則視若行路此忘先背本某子某孫豈不畏慎哉專由於子孫之零辱未能繼續譜尚闕焉者于今百有餘年之久則吾宗之文莫若乎是矣何幸再從弟文浩有志乎修成之舉登梓半年工既告訖上以續先祖幽顯之蹟下以紹後孫昭穆之誼是譜也抑可無愧於崇祖之地而有啓乎敦宗之風矣余雖愚昧稍增慨悒於斯矣忘僭猥越之記以附篇末庶幾乎敦睦之萬一云爾

崇禎紀元後四辛酉九月上浣后孫周浩謹跋

又

族之有譜古也蓋祖先之有子孫猶木之有枝水之有派其麗不億而散

在各處者同源而派異同根而枝殊世代寢遠譜牒殘缺不知魯衛之初分於兄弟不辨殷商之改號於祖孫若乃再從弟文浩稍有識見采攷史乘略修草譜問議於余余不敢辭於崇祖敦宗之義任其入梓而事巨力綿閱半載而告訖父子之世兄弟之行一開卷而曉然如斯也茲不避僭猥之記焉

歲辛酉九月上浣苗裔孫至浩謹跋

又

自世代遠而派系疏承接罕而昭穆紊然則崇祖敦宗之地不復睹古人油然孝悌之義矣惟我月城之昔散四難合未能大譜之修成寧不慨恨也迺者吾宗合議鳩財謹修派系梓閱一歲而功告百年未遑之蹟一開卷瞭然之效則在昔同室之義復明今日同譜之證矣上自始祖暨于中祖校書郎公爲二十三世而下至吾身合爲五十七世也豈敢曰遭此

後有徵之文獻哉今以紹先繼後之功伊誰之力不僂美其更續之志而妄僭猥越之記矣

歲辛酉重陽裔孫致浩謹識

舊譜序抄出己卯譜

夫學者載籍極博惟攷信於譜系者以其尊祖敬宗分昭序穆記實事行也龍門史之世家眉陽氏之譜序皆博攷數千載之上而爰及百世之下者歎亦有由不過闕疑傳信而已在昔三韓之時德學節行之氏族軒冕圭組之世家宜昭炳今古而或不無史秩之憾何哉年代久遠累經兵燹續修於錯簡之本綴拾於灰燼之餘可疑者象可信者寡生卒未詳配墓失傳者不可勝計而月城昔氏亦然也昔氏月城宗姓其鼻祖曰新羅玄胄脫解王王天降神人有人君大位之聖姿故受遜於儒理王朴氏之傳後又傳位於金氏三姓授受與堯舜禹揖遜其與賢則一也至德無爲之

治足以爲百王萬世之典範而後世莫及然聖王之澤其及者遠而彼杞宋之無徵是何理乎余嘗有惑於天道報施垂裕之不均也曰東都斯文昔君在麟訪余於鵲院旅次袖示二冊子曰此吾世譜也我月城氏族得姓已千餘載而戶不過數百分散四處微而不振合議亦難昔我從祖月橋公慨悒乎本文零星博攷窮搜創修世譜先祖璿發之源子姓敦睦之道自是煥然始開而距今已八十年前事竊恐愈久而愈失其真頃年與各省諸宗人謀及修譜竭財若干今鋟梓無幾日矣因請弁卷文於撲余曰嗚呼晚矣我東士大夫家近以一世一譜爲定規而今昔氏二千年間二譜寧不爲嫌也且昔氏若無君之從祖則在昔無譜之族也君之從祖若無如君之孫則卽今續修者何人噫自功總而爲袒免過此則無服無服則幾於路人一人之身分而至於路人睂陽序譜之最緊切也今觀昔氏之譜者李悌之心豈不油然而生也以余不文何敢泚昔章甫之譜牒

然只將答問數節序其實副其意而歸之

歲己卯二月下浣金州許炳彌謹序

舊跋 己卯譜

嗚呼此吾月城昔氏世譜也紹述千載之上聖神文武始祖大王建極始
林德配皇天鍾天地氣化之至精有唐虞揖讓之大事其遺風善政垂金
鏡於百王萬世之典範而八王以後累歷蟬聯砥行立名之君子繼承先
武遂爲東方著姓而世遠澤斬子孫微而不振縱不得大施傳德習訓世
守嘉猷而時事變易有多板蕩不無史秩之歎是乃爲我後裔者窮宇宙
字泣血痛哭者也肆我從祖府君諱文浩殫誠竭力循環八省博攷史乘
合同窮親冷族八載告功吾氏族之有譜始此而已八十年前事但世過
譜期無由續修爲遠邇吾宗之所共憂慮而何幸關東宗人正學熙達詢
謀僉同鳩財合單追慕先事烏可謂繼述哉第俟後人之善述焉

歲己卯三月上澣後孫枉麟泣血書

又

夫凡物之判煥者有易退之勢華合者有將進之漸今吾宗之修譜豈不爲將進之兆乎惟我始祖王肇自神降在位數十年所而三姓迭相禪授上可以繼堯舜禹之風範下可以爲千百王之標式矣其靈異之驗懿偉之蹟已多昭揭於前史今不必枚枚以陳也噫嘻甚哉吾祖之苗裔零星太甚最在各處者于今屢數百年總不過爲幾百人而或不知昭穆之爲如何亦不識源派之爲幾何然吾祖宗視之則均是子孫也豈不痛甚矣乎乃於今年吾宗之散在各地者同一辭而齊力乃修譜系之役又豈不爲幸甚矣乎竊惟修譜之意乃所以親其疎而近其遠也尋其源而溯其流也今茲譜成之後凡爲吾宗族者豈不更一會銘于心而鑄于肺乎繼自今爲吾宗者覽是譜則昭穆定矣源派詳矣然則孰敢不踴躍而起

敬也哉各自起敬而勿替則孝悌之心油然而生矣孝悌之心油然而生
則竦者親遠者近理之自也曷不各自惕念哉惟願爲吾宗者幸勿替而
引之則向所謂華合將進之兆者豈不在乎矣乎爲吾宗者各自勗焉

歲己卯三月上幹後孫熙穆謹跋

世譜序

譜兮譜兮此惟吾月城昔氏之世譜也夫先祖之有孫比之於木若木之有枝比之於水若水之有派初生於其根枝榮茂盛本出於其源派流分散其根與源則總是一本也理之固然也惟我氏族自始祖王得姓以來已過數千餘載戶不過三四百人不過數千枝分派流散在各處不知其派源不辨其姪叔之行矣崇禎紀元後四辛酉族祖諱文浩府君僅修派譜一冊後己卯諱在麟倡議同謀究合一載修成三冊是亦派譜同一惟我同族散在八域漏者過半或有失系之者間有只守姓字之族無有成大同譜之裔孫故十有年間心尚慨歎不已歲戊子春幸與族弟庸湜東俊首議倡起自南之北自東之西方之方谷之谷窮親冷族足盡尋訪而燭財合單作爲編輯殿誌及世系凡六冊實是惟我大同譜也以愚昧之才忘僭猥記以待後人之美述焉

戊子至月下浣后孫始祖王陵參奉正學謹序

跋

客有問於余曰族譜何爲以作也余應之曰上以系祖先之聖業下以承裔孫之歷代天地之常經古今之通義也豈可廢乎今之修譜後之明鑑故今我之昔姓本自新羅王諱脫解之後二十餘年之史非族何以承之非譜何以記之哉祖祖父父之係三綱之尊也父父子子之親五倫之常也子子孫孫姪姪之行以明人倫之大鑑也故以困之困勉之勉鳩財受單合爲一秩之書籍名曰月城昔氏大同譜也今我就梓二載遂成千古之明鑑豈易言哉客唯唯而退以淺薄之識記于編末覽者恕之焉

歲戊子至月後孫東俊謹跋

又

譜者何以謂之譜也由百世之下而知百世之上自一人之身而爲千萬

人之身百世遠也遠則易至於忘千萬之人象也象則易至於疎使遠者追而疎者親其惟譜乎况吾昔氏之受籍於月城者且二千餘載六十有世矣噫我先祖創業之功蔚然赫著爲海左望族也凡木之枝葉繁茂者必有其根水之派流長遠者必溯其源故人家之有世系譜牒亦尋葉知根尋流知源之良法美規也嗚呼祖先之遺澤聖業不爲不多而皆爲見失於中間兵燹遷徙之時今所存餘芬史載國乘而已其爲子孫之罪恨當如何哉小宗之合於大宗之修譜者尊祖敦族之意也今日刊布謂譜已成而事已了各藏于其家不爲吾派吾宗之大幸也哉

崇禎紀元後六戊子十月日後孫鳳哲謹跋

又

一源而分爲萬派一根而發爲萬枝天地間已然之故而槩其因流溯源由槩達根果不類人之合族慕祖乎譜於是生而譜之所以爲譜明源根

定派葉則上自 王家下及閭巷 一日一時之容闕他不得者是譜而人
而無譜則字號官鄉生卒嫁娶姑舍莫喙而統以一祖一身分作百千苗
裔如何以記而講得仁愛敦睦之天乎程先生所謂管人心厚風俗須是
明譜系者誠千古確論而嗚呼悲夫顧我月城之昔昔於脫解神聖之祖
而二百四十年於煌璿寶昭於國乘詳於野史不復可贅而厥后多小子
姦敵處遐鄉窮谷不知祖宗系倫爲何樣物事則零替之甚已無可道而
何幸月楠宗公諱文浩惧先徽之愈邈痛後承之長賀爲明源一冊傳諸
世吾祖有孫吾宗有人而尚恨未圓今設大譜而細索冷族備盡無漏一
以免蘇氏路人之歎二以感范氏均是之訓而不揆僭越略綴數語以表
諸宗文紹啓之誠

崇禎後六戊子

後孫鳳春謹跋

又

此吾昔氏世譜也上自始祖王下至遺後昆靡不畢錄所以明本源之深遠序姓苑之世代真吾宗之一部敦史也譜豈易言哉周官設奠系之典隋唐以上皆設譜局以掌典籍古昔聖賢範世之具蓋至矣世之有譜關於家國故世國世家代各有譜家之有譜猶國之有典籍然則今吾氏之譜不但爲一家史兼之以爲一國典籍固無疑矣淳安之汪氏合七十餘世吳寧之杜氏同千有餘年君子以爲難而今吾宗之蹟自羅迄今爲三千餘載自近至遠爲幾千百人祖先之典籍在是子孫之昭穆在是其間雖不無祀宋之歎抑不爲多於汪杜氏乎嗚呼先祖之德玄矣神明首出天授禪位毓德流祥柯條布濩左氏有言曰名穆公糾合宗族于西周今吾宗族設局於崇信殿修此大譜卽古之宗法也豈不盛歟譜始成於睿陵辛酉再印於己卯而適會社屋不能全譜顧今人代迭遷世道益變幾乎滅天常而壞人紀苟不合宗明系則人將淪胥而爲貔貅之歸矣僉

宗氏爲是之懼發論修譜始終殫勞聿告厥成夫以衰替之族綿薄之力
成就此重舉此其爲吾宗復振之兆歟凡我同譜之人深體程夫子收宗
族厚風俗之訓勿以世下而益勉孝悌之心勿以族疎而益修敦睦之誼
則茲譜也豈啻爲一家一代之史熙重身蟄羈鄉衰耗及之無以能往相
訂編之役敢以所感于中者區區有望於編中諸宗氏所財擇焉

戊子鴻月後孫熙重謹跋

春秋王史也本乎周公之祚胤吾祖王也吾譜史也吾族祚胤也原其本
與朴金同何朴金繁榮而吾昔獨不振如是也堯後爲漢禹後爲夏而舜
之後無聞焉可慨也史之微者易闕嗚呼吾譜其可緩乎譜曾修於十年
之時而諸族散居猶有未全收拾者今將改編而遠近響合是其反本歸
根之心自有天理之當然者况經大朴一散之餘山河民族之變果何如
於十年之間哉若其開卷而見吾父吾兄之在是見吾祖吾王之在是便
若親承謹欵真得面目則孝弟之生慈愛之感自不能已於人心之同然
者以所同然者而合乎所當然者則夫豈有不興者乎吾族之庶幾其將
因此而卜之也役旣訖書此以誌于同譜諸族云爾

歲戊子仲冬後孫熙穆謹跋

月城昔氏

璿源世譜

卷之一

始祖

二世

三世

四世

五世

六世

七世

脫解王子仇光

諱脫解

系儒理王朴

氏而立元年
丁巳漢明帝中元
二年

官角干

追尊

妃金海金氏
文首露王

金閼智

月城金氏始祖

子仇鄒

諱愧

系阿達羅朴

氏而立元年
甲子漢靈帝

官角干

追尊

子伐休王子骨正

諱愧

系阿達羅朴

氏而立元年
甲子漢靈帝

官角干

追尊

子助賁王子儒禮王

諱秀

系奈解王立

元年庚戌
漢後主建興

諱祚

追尊

子基臨王玄

諱祚

系味鄒王金

氏而立元年
甲辰晉武帝

見玄

妃朴氏阿孝夫
人父南解王
陵在府北東
川瓢巖山麓
死金氏只珍內
坐

子仇鄒

官角干

諱愧

系阿達羅朴

氏而立元年
甲子漢靈帝

官角干

追尊

子伐休王子骨正

諱愧

系阿達羅朴

氏而立元年
甲子漢靈帝

官角干

追尊

子助賁王子儒禮王

諱秀

系奈解王立

元年庚戌
漢後主建興

諱祚

追尊

子基臨王玄

諱祚

系味鄒王金

氏而立元年
甲辰晉武帝

見玄